

წესდება – დამფუძნებელთა შეთანხმება
(არასამეწარმეო (არაკომერციული) იურიდიული პირებისათვის)

მუხლი 1

ზოგადი დებულებები

- 1.3. „საერთაშორისო ინიციატივა განვითარებისა და თანადგომისათვის“ წარმოადგენს საქართველოს სამოქალაქო კოდექსის შესაბამისად შექმნილ წევრობაზე დაფუძნებულ არასამეწარმეო (არაკომერციული) იურიდიულ პირს.
- 1.4. სუბიექტი წარმოშობილად ითვლება მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან.
- 1.5. საზოგადოების სახელწოდება:
- ქართულად: „საერთაშორისო ინიციატივა განვითარებისა და თანადგომისათვის“
 - ინგლისურად: „International Initiative for Development and Support“
- 1.6. სამართლებრივი ფორმა არასამეწარმეო (არაკომერციული) იურიდიული პირი
- 1.7. იურიდიული მისამართი ქ.თბილისი, ალ.ყაზბეგის გამზ. #42
- 1.8. საწარმოს ელექტრონული ფოსტის მისამართი ngo.IISD@gmail.com
- 1.9. არასამეწარმეო (არაკომერციული) იურიდიული პირი თავისი წევრის (წევრების), აგრეთვე ხელმძღვანელობისა და წარმომადგენლობითი უფლებამოსილების მქონე პირის (პირების) მდგომარეობისაგან დამოუკიდებელია. არასამეწარმეო (არაკომერციული) იურიდიული პირის პასუხისმგებლობა შემოიფარგლება მისი ქონებით. არასამეწარმეო (არაკომერციული) იურიდიული პირის ვალდებულებებისათვის მისი წევრები, აგრეთვე მისი ხელმძღვანელობისა და წარმომადგენლობითი უფლებამოსილების მქონე პირი (პირები) პასუხს არ აგებს. ასევე არ აგებს პასუხს არასამეწარმეო (არაკომერციული) იურიდიული პირი საკუთარი წევრების, აგრეთვე თავისი ხელმძღვანელობისა და წარმომადგენლობითი უფლებამოსილების მქონე პირის (პირების) ვალდებულებებისათვის.
- 1.10. საზოგადოების საქმიანობის მიზნები:
1. სახელმწიფოს (მათ შორის აფხაზეთის ა/რ-ის) და კერძო სექტორის, საერთაშორისო და ადგილობრივი ორგანიზაციების, საზოგადოების მონაწილეობით საქართველოში მცხოვრები აფხაზეთიდან დევნილი, ოკუპირებულ ტერიტორიებზე ლეგიტიმურად მცხოვრები და ასევე სხვა იურიდიული და ფიზიკური პირებისათვის, ნებისმიერი კანონიერი გზით, დახმარების გაწევა მეწარმეობის განვითარებასა და სამეწარმეო საქმიანობის განხორციელებაში;
 2. სოციალური, ინფრასტრუქტურული, ჯანდაცვის, სპორტის, კულტურის, განათლებისა და ბუნების დაცვის სფეროებში სხვადასხვა პროგრამებისა და პროექტების ფანხორციელება;
 3. საჭიროების მქონე პირებისათვის სოციალური და ჰემანიტარული სახის მსარდაჭერა.
- 1.11. არასამეწარმეო (არაკომერციული) იურიდიული პირი უფლებამოსილია აღნიშნული მიზნების მისაღწევად განახორციელოს ნებისმიერი საქმიანობა, რომელიც არ არის კანონით აკრძალული;
- 1.12. არასამეწარმეო (არაკომერციული) იურიდიული პირი უფლებამოსილია ეწეოდეს დამშარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს არასამეწარმეო (არაკომერციული) იურიდიული პირის მიზნების რეალიზებას. ასეთი საქმიანობის შედეგად მიღებული მოგების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია.

1.13. არასამეწარმეო (არაკომერციული) იურიდიული პირის საკუთრებაში არსებული ქონების გასხვისება შესაძლებელია, თუ გასხვისება ემსახურება არასამეწარმეო (არაკომერციული) იურიდიული პირის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს.

მუხლი 2

არასამეწარმეო (არაკომერციული) იურიდიული პირების დამფუძნებლები

2.1. არასამეწარმეო (არაკომერციული) იურიდიული პირების დამფუძნებლები არიან:

1. აფხაზეთის ავტონომიური რესპუბლიკის ფინანსთა და დარგობრივი ეკონომიკის სამინისტრო, ქ. თბილისი, თამარაშვილის №15ა, 205308521.
2. სსიპ „აფხაზეთის ავტონომიური რესპუბლიკის სავაჭრო - სამრეწველო პალატა“, ქ. თბილისი, ვაკე-საბურთალოს რაიონი, ა. ყაზბეგის გამზირი №42, 205310000.

მუხლი 3

არასამეწარმეო (არაკომერციული) იურიდიული პირების მართვა, ხელმძღვანელობა და წარმომადგენლობა

- 2.1. არასამეწარმეო (არაკომერციული) იურიდიული პირების უმაღლეს მმართველობით ორგანოს წარმომადგენს დამფუძნებელთა საერთო კრება;
- 2.2. არასამეწარმეო (არაკომერციული) იურიდიული პირების საქმიანობას ხელმძღვანელობს და წარმომადგენლობითი უფლებამოსილებით აღჭურვილია ორგანიზაციის დირექტორი;

მუხლი 4

ორგანიზაციის საკუთრება, შემოსავლის წყარო

- 4.1. ორგანიზაციის საკუთრებაში შეიძლება იყოს ნებისმიერი მატერიალური და არამატერიალური, უძრავი და მოძრავი ქონება, ფულადი აქტივები და ფასიანი ქაღალდები;
- 4.2. ორგანიზაციის შემოსავლებს შეადგენენ:
- 4.2.1. გრანტები და შემოწირულობები;
- 4.2.2. დამფუძნებლების მიერ გადმოცემული ქონება და ფულადი სახსრები;
- 4.2.3. საწევრო შესატანები;
- 4.2.4. ორგანიზაციის დამხმარე ხასიათის სამეწარმეო და ეკონომიკური საქმიანობით მიღებული შემოსავლები და ქონება;
- 4.2.5. სხვა ნებისმიერი სახსრები, რომელთა მიღება არ არის აკრძალული კანონმდებლობით.

მუხლი 5

დამფუძნებელთა, წევრთა, ხელმძღვანელთა/წარმომადგენლობა უფლებები და მოვალეობები

5.1. ორგანიზაციის წევრობა და მათი უფლება მოვალეობები

5.1.1. ორგანიზაციის წევრი შეიძლება იყოს ნებისმიერი ფიზიკური ან იურიდიული პირი, რომელიც აღიარებს ორგანიზაციის წესდებას, წერილობითი განცხადებით მიმართავს დირექტორს და მიიღებს მის წერილობით თანხმობას.

5.1.2. ყოველ წევრს აქვს ორგანიზაციიდან თავისუფალი გასვლის უფლება.

5.1.3. წევრი ორგანიზაციიდან გასულად ითვლება წერილობითი განცხადების შეტანის შემდეგ.

5.1.4. უფლებამოსილებისა და მემკვიდრეობის უფლების გადაცემა სხვა პირებისათვის აკრძალულია.

5.1.5. წესდებით აღიარებული მიზნებისა და ნაკისრი ვალდებულებების სისტემატურად და არაჯეროვნად დაუცეველობის შემთხვევაში დირექტორს შეუძლია გარიცხოს წევრი ორგანიზაციიდან.

5.1.6. ორგანიზაციის ყველა წევრი სარგებლობს უფლებით არჩეულ იქნეს ხელმძღვანელ ორგანოებში.

5.2. ორგანიზაციის დამფუძნებელთა საერთო კრება და მისი უფლება მოვალეობები

5.2.1. ორგანიზაციის უმაღლესი მმართველი ორგანო ორგანიზაციის დამფუძნებელთა საერთო კრება, რომელიც მოიწვევა წელიწადში ერთხელ მაინც.

კრება უფლებამოსილია, თუ მას ესწრება წევრთა ნახევარზე მეტი.

5.2.2. დამფუძნებელთა კრება გადაწყვეტილებას იღებს ორგანიზაციის ყველა იმ საკითხზე, რომლებიც არ შედის დირექტორის კომიტეტის გადაწყვეტილებას ნამდვილია, თუ საკითხი კრების მოწვევისას დღის წესრიგში იყო შეტანილი.

5.2.3. დამფუძნებელთა საერთო კრებაზე გადაწყვეტილება მიიღება დამსწრე წევრთა ხმების უმრავლესობით.

5.2.4. იმ დამფუძნებლებს, რომლებიც ვერ ესწრებიან კრებას, შეუძლიათ წერილობით მიიღონ მონაწილეობა კენჭისყრაში. ისინი უთანაბრდებიან კრებაზე დამსწრე დამფუძნებლებს.

5.2.5. დამფუძნებელთა საერთო კრება:

- იღებს ორგანიზაციის წესდებას და ცვლილებები შეაქვს მასში;
- ირჩევს ორგანიზაციის დირექტორს;
- ისმენს დირექტორის ანგარიშს;
- ამტკიცებს დირექტორის მიერ წარმოდგენილი ორგანიზაციის საქმიანობის საორენტაციო წლიურ პროგრამას, გეგმებსა და ანგარიშებს;
- იღებს გადაწყვეტილებას ორგანიზაციის რეორგანიზაციისა და ლიკვიდაციის შესახებ.

5.2.6. წყვეტს სხვა საკითხებს, რომლებიც ამ წესდებით სხვა ორგანოთა უფლებამოსილებებს არ განეკუთვნება.

5.3. ორგანიზაციის ხელმძღვანელობა/წარმომადგენლობა და მისი უფლება მოვალეობები

5.3.1. ორგანიზაციის ხელმძღვანელი და წარმომადგენლობის უფლებამოსილებით აღჭურვილი პირია დირექტორი, რომელსაც უვადოდ ირჩევს და თანამდებობიდან ათავისუფლებს დამფუძნებელთა საერთო კრება.

5.3.2. დირექტორის კომიტეტის განეკუთვნება:

- დამფუძნებელთა საერთო კრების მიერ დამტკიცებული სამუშაო პროგრამისა და გეგმების განხორციელება;
- იმ პროგრამების განხორციელება, რაც გამომდენარეობს ორგანიზაციის მიზნებიდან;
- ორგანიზაციის წევრების მიღება და გარიცხვა დამფუძნებლებთან შეთანხმებით;
- საწევრო გადასახადის ოდენობის დადგენა დამფუძნებლებთან შეთანხმებით;
- ორგანიზაციის საწარმოების დაფუძნება ან სხვა საწარმოებში ორგანიზაციის წილობრივი მონაწილეობის საკითხის გადაწყვეტა დამფუძნებლებთან შეთანხმებით;
- ორგანიზაციის ფილიალების, რეგიონალური ორგანიზაციების შექმნა და მათი ხელმძღვანელების დანიშვნა დამფუძნებლებთან შეთანხმებით;
- სამუშაო ჯგუფების, კომისიების, საკონსულტაციო, მართვისა და შეფასების კომიტეტებისა და საბჭოების და სხვა ტიპის ჯგუფების შექმნა და მათი მუშაობის წესისა და ვადების განსაზღვრა;
- დამფუძნებელთა საერთო კრების მოწვევა, მისი ჩატარების ადგილისა და თარიღის დაწესებით;

- სპეციალური თემატური შეხვედრების მოწვევა და ჩატარება, მომხსენებლებისა და სამუშაო ჯგუფების განსაზღვრა;
 - საქმიანობის ყოველწლიური ანგარიშის, ორგანიზაციის ფინანსური ანაგარიშის მომზადება და ბიუჯეტის პროექტის შედგენა დამტკიცება;
 - გადაწყვეტილებებისა და რეკომენდაციების მიღება;
 - ორგანიზაციის სხვა საქმიანობის წარმართვა მოქმედი კანონმდებლობისა და ამ წესდების შესაბამისად;
 - დირექტორი ხელმძღვანელობს ორგანიზაციის ყოველდღიურ საქმიანობას, ამზადებს, ადგენს და ახორციელებს მიღებულ გადაწყვეტილებათა და რეკომენდაციათა რეალიზაციას;
 - იწვევს სამუშაოზე შრომით ხელშეკრულების საფუძველზე თანამშრომლებს;
 - ხელს აწერს ორგანიზაციის სახელით დადგებულ ხელშეკრულებებს, გარიგებებს, კონტრაქტებს, აწარმოებს მოლაპარაკებებს, გასცემს მინდობილობებს, ხსნის და ხურავს ანგარიშებს საბანკო დაწესებულებებში;
 - ხელს აწერს ორგანიზაციის ოფიციალურ და ფინანსურ დოკუმენტებს;
 - ახორციელებს ორგანიზაციის ფინანსური სახსრებისა და სხვა მატერიალური ქონების ოპერატიულ მართვას და პასუხისმგებელია მათ სწორ გამოყენებაზე;
 - ხელმძღვანელობს ორგანიზაციის საქმიანობას და განსახორციელებელ პროგრამებს;
- 5.3.3. ორგანიზაციის დირექტორი უძლევება დამფუძნებელთა საერთო კრებას. იგი არის ორგანიზაციის წარმომადგენლობითი უფლებამოსილებით აღჭურვილი პირი.
- 5.3.4. დირექტორს ენიჭება ორგანიზაციის წარმომადგენლობითი უფლებამოსილება ერთპიროვნულად.
- 5.3.5. ორგანიზაციის დირექტორია:
- სახელი, გვარი: ვახტანგ ფოჩხუა
პირადი ნომერი: 62001007710
დაბადების თარიღი: 14.09.1965
დაბადების ადგილი: ქ. სოხუმი
საც. ადგილის მისამართი: ქ. სოხუმი, ივანე მიჩურინის 56

მუხლი 6

არასამეწარმეო (არაკომერციული) იურიდიული პირის ლიკვიდაცია/რეორგანიზაცია

- 6.1. არასამეწარმეო (არაკომერციული) იურიდიული პირის რეორგანიზაცია და ლიკვიდაცია ხორციელდება საქართველოს კანონმდებლობით დადგენილი წესით.
- 6.2. არასამეწარმეო (არაკომერციული) იურიდიული პირის რეორგანიზაციისა და ლიკვიდაციის შესახებ გადაწყვეტილებას იღებს დამფუძნებელთა საერთო კრება.
- 6.3. ლიკვიდაციის დროს უნდა დასრულდეს მიმდინარე საქმები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდენ კრედიტორები და დარჩენილი ქონება გაუნაწილდეს უფლებამოსილ პირებს.
- 6.4. გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.
- 6.5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავენ არასამეწარმეო (არაკომერციული) იურიდიული პირის დამფუძნებლები და დირექტორი, დამფუძნებელთა საერთო კრებაზე. არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:
 - ა) გასხვისება ხელს უწყობს მის მიერ დასახული მიზნების განხორციელებას;
 - ბ) ემსახურება საქველმოქმედო მიზნებს;
 - გ) ქონება გადაეცემა სხვა არასამეწარმეო (არაკომერციულ) იურიდიულ პირს.

6.6. აკრძალულია ლიკვიდაციის შედეგად დარჩენილი ქონების განაწილება არასამეტარმეო (არაკომერციული) იურიდიული პირის დამფუძნებლებს, წევრებს, ხელმძღვანელობისა და წარმომადგენლობითი უფლებამოსილების მქონე პირებს შორის.

6.7. თუ არასამეწარმეო (არაკომერციული) იურიდიული პირის დამფუძნებლებმა და დირექტორმა, დამფუძნებლთა საერთო კრებაზე არ განსაზღვრეს ლიკვიდაციის შედეგად დარჩენილი ქონების მიღებაზე უფლებამოსილი პირი, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს, რომლებსაც აქვთ იგივე ან მსგავსი მიზნები, როგორც ლიკვიდირებულ არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების სახელმწიფოსათვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

6.8. ლიკვიდაციას ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

მუხლი 7

7.1. წინამდებარე წესდება ძალაში შედის ყველა დამფუძნებლის მიერ ხელმოწერის მომენტიდან.

7.2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

7.3 ამ წესდებასა და საქართველოს მოქმედ კანონმდებლობას შორის არსებული
შეუსაბამობის შემთხვევაში მოქმედებს კანონი.

აფხაზეთის ავტონომიური რესპუბლიკის
ფინანსთა და დარგობრივი ეკონომიკის
სამინისტრო მინისტრის პირველი მოადგილე
ლევან თევზაია 5-19-05 ა
62001002369

სსიპ „აფხაზეთის ავტონომიური
რესპუბლიკის საგაჭრო
- სამრეწველო პალატა“
გოგიტა თედორაძე
62001003976

ဒေဝါဒ္ဓလိမာလွှာလွှာ

Mr. B. J. D.

3. 02848

ବେଳେ ପରିମାଣ କରିବାକୁ ଦେଖିଲା ଏହାରେ କିମ୍ବା
ବେଳେ କିମ୍ବା କରିବାକୁ ଦେଖିଲା ଏହାରେ କିମ୍ବା
ବେଳେ କିମ୍ବା - 06 ମେ ମୁହଁ 2019
ମୁହଁ ମୁହଁ ୨୦୧୯